



Broj: 05/1-50-14-51-20/11
Sarajevo, 14.10.2011.

ZAPISNIK

20. sjednice Nezavisnog odbora kao nezavisnog tijela policijske strukture BiH

Sjednica je održana 14.10.2011., s početkom u 10 sati.

Sjednici su prisustvovali članovi Nezavisnog odbora: Žiko Krunić, Bakir Dautbašić, Mato Jozić, Dragan Savić, Stanko Nuić, Ljubomir Kuravica, Enes Obralića, Viktor Dadić i Zijad Kadić.

Osim članova, sjednici je prisustvovala Alma Salkić-Mijić, koja je obavljala poslove sekretara Nezavisnog odbora.

Sjednicu su pratili: Dijana Šatara iz OHR-a, Fatima Miletić iz EUPM-a, Zoran Brkić iz Sektora za odnose s javnošću Parlamentarne skupštine BiH i Muhamed Jugo, pripravnik-volonter u Parlamentarnoj skupštini BiH.

Sjednicu je sazvaio Žiko Krunić, predsjednik Nezavisnog odbora. Konstatirao je da postoji kvorum za rad te otvorio sjednicu. Nezavisni odbor jednoglasno je usvojio sljedeći

DNEVNI RED

1. Utvrđivanje teksta Javnog konkursa za provođenje procedure odabira kandidata za izbor direktora Državne agencije za istrage i zaštitu,
2. Tekuća pitanja.

Ad.1 Utvrđivanje teksta Javnog konkursa za provođenje procedure odabira kandidata za izbor direktora Državne agencije za istrage i zaštitu

Predsjednik Nezavisnog odbora Žiko Krunić podsjetio je članove da su prijedlog usaglašenog teksta Javnog konkursa dobili uz dnevni red za ovu sjednicu. S obzirom na to da je prilikom unošenja primjedbi koje su na prošloj sjednici iznesene na tekst Javnog konkursa uočena razlika u tekstu prijedloga Javnog konkursa na bosanskom, hrvatskom i srpskom jeziku, predsjednik je predložio, a ostali članovi jednoglasno prihvatili da u tekstu Javnog konkursa u dijelu koji se odnosi na opće uslove u sva tri jezika treba da stoji tačka e) koja glasi: „e) da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije objavljivanja upražnjene pozicije“ i u dijelu koji se odnosi na potrebne dokumente treba da stoji tačka 5. koja glasi: „5. Ovjerenu izjavu da nije otpušten iz državne službe u institucijama BiH odnosno entiteta kao rezultat

disciplinske mjere u periodu od tri godine prije dana podnošenja prijave za upražnjenu poziciju“.

Članovi Nezavisnog odbora jednoglasno su odlučili da je prije objavljivanja u „Službenom glasniku BiH“, „Službenom glasniku Brčko Distrikta BiH“, „Oslobođenju“, „Glasu Srpske“ i „Dnevnom listu“ tekst Javnog konkursa potrebno lektorirati.

Nezavisni odbor je, sa iznesenim primjedbama i prijedlozima, jednoglasno usvojio tekst Javnog konkursa za provođenje procedure odabira kandidata za izbor direktora Državne agencije za istrage i zaštitu.

Ad.4.Tekuća pitanja

U vezi s ovom tačkom dnevnog reda, članovi Nezavisnog odbora raspravljali su o dopisu Odbora za žalbe građana upućenom Nezavisnom odboru i, sa osam glasova "za" i jednim "suzdržanim" glasom, odlučili da se dopis Odbora za žalbe građana upućen Nezavisnom odboru uvrsti u dnevni red jedne od narednih sjednica.

Drugi zamjenik predsjednika Mato Jozić usmeno je informirao članove o studijskoj posjeti članova Nezavisnog odbora institucijama Sjeverne Irske u periodu od 2. do 7. oktobra 2011. Članovi Odbora primili su k znanju informaciju o studijskoj posjeti, ali je predsjednik Odbora predložio a članovi jednoglasno podržali da se dostavi pisani izvještaj o održanoj posjeti.

Sjednica je završena u 11.20 sati.

Privremeni sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić